


醫學統旨 上

十武
393
9

共十



武
393
卷
9

岡氏
森庭

岡氏
森庭

醫學統旨卷之八

太醫院院判石峯葉文

太醫院醫士門人朱應軫

用藥法象

天有陰陽

風寒暑濕燥火

三陰三陽上奉之

此溫涼寒熱四氣是也皆去於天溫熱者天之陽也寒涼者天之陰也此乃天之陰陽也

地有陰陽

金木水火土

生長化收藏下應之

此辛甘淡酸苦鹹六味是也皆象於地辛甘淡者地之陽也酸苦鹹者地之陰也此乃地之陰陽也

清川

醫學統旨

味之薄者為陰中之陽

味薄則通

酸苦鹹平是也

味之厚者為陰中之陰

味厚則洩

酸苦鹹寒是也

氣之薄者為陽中之陰

氣薄則發洩

辛甘淡平寒涼是也

氣之厚者為陽中之陽

氣厚則發熱

辛甘溫熱是也

輕清成象

味薄類茶

本乎天者親上

重濁成形

味厚類人

本乎地者親下各從其類

氣味辛甘發散為陽

酸苦湧洩為陰

清陽發腠理清之清者也

助清肺以

清陽實四肢清之濁者也

助清肺以

濁陰歸六腑濁之濁者也

堅強

濁陰走五臟濁之清者也

藥性要旨

苦藥平升

微寒平亦升

甘辛藥平降

甘寒瀉火

苦寒瀉濕熱

甘苦寒瀉血熱

用藥升降浮沉補瀉法

肝膽

味辛補酸瀉

氣溫補涼瀉

肝膽之

經前後寒熱

去

心小腸

味鹹補甘瀉

氣熱補寒瀉

心小腸之

命門

寒熱各從其宜

脾胃

味甘補苦瀉

氣溫熱補寒瀉

脾胃之

命門

寒熱各從其宜

肺大腸

味酸補辛瀉

氣涼補溫瀉

肺大腸之

命門

寒熱各從其宜

腎膀胱

味苦補鹹瀉

氣寒補熱瀉

腎膀胱之

命門

寒熱各從其宜

故云安穀則昌絕穀則亡水去則榮散穀消則

五藏更相平也一藏不平所勝平之此之謂也

衛亡、榮散、衛亡、神無所居、又仲景云、水入於經、其血乃成、穀入於胃、脈道乃行、故血不可不養、衛不可不溫、血溫衛和、榮衛將行、常有天命、

藏氣法時補瀉法

肝苦急、急食甘以緩之。甘心苦緩、急食酸以收之、肺苦燥、燥之。肺苦氣上逆、急食苦以子
肥苦濕、急食苦以燥之。肺苦氣上逆、急食苦以瀉之。類腎苦燥、急食辛以潤之、黃帝注云、開腠理、致津液、通氣也、肝欲散、急食辛以散之、脾欲緩、急食甘以緩之、心欲軟、急食鹹以軟之、脾欲收、急食酸以收之、腎欲堅、急食苦以堅之、以酸瀉之。藥芍心欲軟、急食鹹以軟之、脾欲收、急食酸以收之、腎欲堅、急食苦以堅之、瀉以甘瀉之。黃人參甘脾欲緩、急食甘以緩之、補之。參以苦瀉之、建肺欲收、急食酸以收之、酸補之。子五味以辛瀉之、鹹瀉之。白腎欲堅、急食苦以堅之、以苦補之。橫以鹹瀉之、

註云、此五者、有酸、辛、甘、苦、鹹、各有所利、或散、或收、或緩、或軟、或堅、四時五藏、病隨五味、所宜也、用藥氣味、

夫氣者、天也、味者、地也、溫、熱者、天之陽也、寒、涼者、天之陰也、陽則升、陰則降、辛、甘者、地之陽也、酸、苦者、地之陰也、陽則浮、陰則沉、有使氣者、有使味者、有氣味俱使者、有先使氣、後使味者、有先使味、後使氣者、所用至不一也、有一藥、兩味者、或三味者、或一氣者、或二氣者、熱者多、寒者少、寒不為之、寒、寒者多、熱者少、熱不為之、熱、或寒、熱、各半而成、溫、或溫、多而成、熱、或涼、多而成、寒、不可一途而取也、或寒、熱、各半、晝服之、則從熱、之屬、而升、夜服之、則從寒、之屬、而降、至于晴、則從熱、陰、則從寒、所從、求類、變化不一、沉、四、六、位、之、

非一、五運六氣之相召、主客勝復之莫測、太過不及之難量、可以輕用為哉、○升而使之降、頂其抑也、沉而使之浮、頂其載也、辛散也、其行之也、橫、甘發也、其行之也、上、苦洩也、其行之也、下、酸收也、其性縮、鹹爽也、其性舒、上下舒縮橫之不同如此、相合而用、其變用不同、何以然、鼓掌成聲、沃火成沸、二物相合、象在其間也、七情相制、四氣相和、其變可輕用為哉、○經云、辛甘發散為陽、酸苦湧洩為陰、鹹味湧洩為陰、淡味滲洩為陽、味有六也、經云、寒熱溫涼、氣有四也、本草只言甘辛酸苦鹹、不言淡、只言溫大溫熱大熱寒大寒微寒平小毒大毒有毒無毒、不言涼如何、是味淡氣涼也、七情相制、四氣相和、其變不可度、有如仲景五石散、與草木相使、有石先發、有草先發、變不可

度、此言所以不敢輕用也

用藥必本四時

凡用藥、若不本四時、以順為逆、四時者是春升夏、秋降冬沉、乃天地之升降浮沉、化者脾土中造化也、是為四時之宜、但言補之以辛甘溫熱之劑、及味之薄者、諸風藥是也、此助春夏之升浮者也、此便是瀉、秋收冬藏之藥也、在人之身、乃肝心也、但言之以酸苦寒涼之劑、并淡味滲洩之藥、此助秋冬之降沉者也、在人之身、乃肺腎也、用藥者、因此法度、則生逆之則死、縱令不死、危困必矣

去臟腑之火

黃連瀉心火

梔子黃芩瀉肺火

白芍藥瀉脾火

知母瀉腎火、木通瀉小腸火、條芩瀉大腸火、
 石膏瀉胃火、柴胡瀉三焦火、黃芩佐之、
 柴胡瀉肝火、黃連佐之、膽經亦同、黃檗瀉膀胱火、
 又曰龍火膀胱乃水府之火、故曰龍火也、以上
 諸藥瀉各經之火、不惟止能如此、更有治病合
 為君臣處、詳其宜而用之、不可執而言也、
 各經引用
 太陽經羌活、在下者黃檗、小腸膀胱也、
 少陽經柴胡、在下者青皮、膽三焦也、
 陽明升麻白芷、在下者石膏、胃大腸也、
 太陰經足脾白芍藥、手肺桔梗也、
 少陰經足腎知母、手心黃連獨火也、
 厥陰經青皮、在上者柴胡、肝心包絡也、同少陽、

以上十二經之的藥也

藥性生熟用法

黃芩黃連知母黃檗、治病在頭面及手梢皮膚者、酒
 炒之、藉酒力上升也、治在咽之下、臍之上者、酒
 浸之、治在下者、生用、凡熟升生降也、大黃酒煨、恐寒
 傷胃氣、至于烏頭附子、酒炮去其毒也、用三焦藥、酒
 酒浸曝乾、黃檗知母、治下部之藥也、久弱之人、酒合
 之者、酒浸曝乾、恐寒傷胃氣也、熟地黃酒洗亦然、當
 歸酒浸助發散之用也、

藥用根梢法

凡根之在土者、中半已上、氣脉上行、以生苗者為根、
 中半已下、氣脉下行、以入土者為梢、當知病在中焦
 用身、上焦用根、下焦用梢、經云根升梢降、

藥味專精

凡藥之陳者惟麻黃荆芥香蒿陳皮半夏枳殼枳實
吳茱萸是也其餘之藥俱用新鮮有力乃可用之若
陳腐曾經顯而無力者皆不可用也

七方大畧

大 君一臣三佐九制之大也也遠而奇偶數制大則其服

散之腎厥位遠服湯

小 君一臣二制之小也也近數多奇多則制小其服

散之脾厥位近服湯

緩 治主當緩補上治上制以緩 表裏汗下皆有

所當緩

急 治客當急補下治下制以急 表裏汗下皆有

所當急

奇 君一臣二奇之制也 近者奇之 下者奇之

也 奇者不必君一臣二凡在陽之分者皆為之奇

偶 君二臣四偶之制也 遠者偶之 汗者偶之

也 偶者不必君二臣四凡在陰之分者皆為之偶

奇與偶有味之奇偶有數之奇偶亦當察之則不
失其寒熱矣

天之陽分為奇 地之陰分為偶汗從九天之下

假令升麻湯升而不降也亦為之奇以其在天之
分也

假令自地而升天非苦無以至地非溫無以至天
故用苦溫之劑從九地之下發至九天之上故為

之偶

假令調胃承氣湯降而不升也亦為之偶以其在地之分也

假令自天而降地非辛無以至天非涼無以至地故用辛涼之劑從九天之上引至九地之下故為之奇

復 奇之不去復以偶偶之不去復以奇故曰復復

者再也重也潔古法十補一洩數洩一補所以使不失通塞之道也海藏云脉證不相應也復方蓋出于此

十劑大畧

宣 鬱而不散宜宣劑以散之宣之可去是也

經有五鬱達發奪洩折皆宣也

欽命開宣散制情朝申上君帝意翁受敷施適及君五日

通 留而不行宜通劑以行之通之可去是也滯通中草有

痺留也飲留也痛亦留也

補 弱而不足宜補劑以扶之補之可去是也鹿亦可

瀉 閉而有餘宜瀉劑以除之瀉之可去是也葶芩芒

輕 實而氣蘊宜輕劑以揚之輕之可去是也麻黃葛

重 怯則氣浮宜重劑以鎮之重之可去是也磁石鐵

神志失守驚悸不寧

滑 澁則氣者宜滑劑以利之。滑白皮去著冬葵子

有經澁有小便澁有大便澁。

澁 滑則氣脫宜澁劑以收之。澁可去脫壯攝龍

前脫者遺溺後脫者宜尿。男類皆前脫也。人亡血之不

燥 濕則為重宜燥劑以除之。燥亦可去濕桑白皮

有濕在上、有濕在中、有濕在下、有濕在經、有濕在

表、有濕在裏。

濕 枯則為燥宜濕劑以潤之。濕可去枯紫石英

有減氣而枯、有減血而枯。

只如此體皆有所屬、凡用藥當詳審各劑之下證

在明白分而求之、則靡所失矣。陶隱居云藥有宜

通補為輕重滑澁燥濕此十劑今詳之、惟寒熱二

種何獨見遺今補二種以盡厥旨。

寒 熱則為實宜寒劑以清之。寒可去熱大黃芒

有熱在表、有熱在裏、有表裏皆熱。

熱 寒則為虛宜熱劑以溫之。熱可去寒附子官

有外寒、有內寒、有內外俱寒。

湯液煎造

凡煎藥用銀器或砂銚洗令潔淨取新汲井中甜水

如藥一劑重五錢用水一茶甌重一兩者以二甌一

兩餘者又增半甌酌量得宜可也。如劑多而水少則

藥味不齊出水多而劑少又煎耗太過而藥無力也

煎以濕紙封固藥銚須令親恭誠者看守煎熬分數

用絹濾去粗取清汁服之無不効也。若發汗之藥必

用緊火煎取熟服攻下藥亦緊火煎將數下硝黃再
二三沸即取溫服陰寒病急者亦宜緊火煎服如陰
發煩躁者水十沉冷與之補虛溫中清順之藥俱宜
慢火煎服大湯者蕩也煎取清汁易行經絡而去病
也若濃濁則藥力不行反滯為害也

服藥活法

凡服藥病在上者食後徐徐服病在中者食遠服病
在下者宜空腹頓服之以達下也病在四肢者宜饑
食而在晝病在骨髓者宜飽食而在夜若嘔吐難納
藥者必徐徐一匙而進不可太急也

草部

防風氣溫味甘辛無毒浮而升陽也行脾胃二經及
太陽本經藥惡乾薑藜蘆白斂荒花殺附子毒畏草
解實而脂潤頭節堅者良去蘆并斂股

用者不

治諸瘋瘡瘍頭眩痛赤眼流淚惡風骨節疼痺四
肢拘攣瀉肺實通關脈散頭目中滯氣去經絡間
留濕乃風藥中潤劑候服瀉人上焦元氣

升麻氣平味微苦無毒浮而升陽也手足陽明足太
陰行經藥細刺皮并青礪用者佳

治瘟疫時氣熱疾瘴氣盡毒斑疹痘瘡頭痛喉疼
傷風口瘡脾痺解肌肉間熱升提陽氣引葱白散
手陽明風邪同石膏止足陽明齒痛又為瘡家聖
藥

九
羌活氣微溫、味苦、甘平無毒、浮而升、陽也、手足太陽
引經藥紫艸并密附者去

治賊風多痺、血癩、手足不遂、口眼喎斜、遍身癱痺、
骨節肢痛、去一切風邪、目赤腫痛、除癰毒、瘡瘍、風

濕、風溫、頭痛、通利關節如神、
獨活氣微溫、味苦、甘辛無毒、沉而升、陰中陽也、足少

腎經行經藥、黃也作塊者
治寒邪鬱結、頭腦頂巔痛、齒疼、頭面風、及遍身皮

膚風濕、婦人疝瘕、陰寒腫痛、腹中急、引諸藥上至
巔

麻黃氣溫、味苦、甘無毒、浮而升、陽也、手太陰之藥、入
足太陽、手少陰、陽明、經榮衛藥也、厚朴為散、惡辛
良、凡用去根節、先煮一二沸、去上沫、否則令人煩

治中風傷寒、頭痛、溫瘧、發汗、去皮、膚寒濕及風通
九竅、開毛孔、止欬、逆上氣、去邪熱、破堅積、消赤黑
斑、毒身上毒風、癰痺不仁、多服令人虛、○根節能
止汗

前胡氣微寒、味苦無毒、半夏為之使、惡皂莢、畏藜蘆
治痰滿、胃脇中痞、心腹結氣、風頭疼、去痰竇、下氣

最要傷寒時氣、內外俱熱、止嗽、定喘、明目安胎、小
兒一切疳氣

菊花氣平寒、味苦、甘無毒、可升可降、陰中陽也、桑白
使、味甘、花黃白者入藥、野菊味苦、大傷胃、不堪

治頭風、頭眩、明目、淚出、翳膜、惡風濕、痺身上諸風、
四肢遊風、腰痛、除胃中煩熱、安腸胃、養目血、久服
延年

桔梗氣微温味辛苦有小毒浮而升陰中陽也于太

陰引經藥乾畏白芩龍眼龍膽去蘆木汁浸一宿焙

治胃脇痛如刀刺腹滿腸鳴幽幽驚恐悸氣鼻塞

咽喉痺痛利胃隔除肺熱氣促鼻塞嗽逆消痰涎

破積塊清頭目補內漏肺癰排膿下痢破血中惡

蠱毒及小兒驚癇客忤能載諸藥不下沉又能開

提氣血血藥中宜兼用之

半夏氣平味辛苦生微寒熱温有毒沉而降陰中陽

也入足陽明太陰少陽經射干柴胡黃之使惡皂

毒此龜甲反烏頭陳人者良須用湯泡數次生薑制

治傷寒寒熱心下堅下氣頭眩胃脹欬嗽上氣痰

涎嘔吐調胃健脾去胃中寒痰痞塞太陰痰厥頭

痛燥脾濕除痰瘧消腫散結生令人吐熱令人下

諸血証及自汗渴者禁用妊娠忌用如惡阻吐者
薑炒用之

南星氣平味苦辛有毒可升可降陰中陽也畏附子

薑入藥治中風風痰麻痺下氣破堅積消癰腫利胃膈散

金瘡撲損瘀血虫咬疥癬惡瘡墮胎欲其下行以

黃蘗引之

人參氣温味甘無毒浮而升陽也茯苓為使反藜蘆

和細辛密封十年不去蘆用治五勞七傷補五臟安精神定魂魄止驚悸除邪

氣明目開心益志調中生津止渴霍亂吐逆通血

脉定虛喘肺脾陽氣不足短氣腸胃中冷裏虛心

腹鼓痛胃脇逆滿補上焦元氣升麻引用補下焦

元氣茯苓為使、肺熱喘嗽、及陰虛火動、勞嗽吐血者、禁用、血虛宜補氣、而血自生、所謂陽旺則能生陰血也。

沙參、氣微寒、味甘無毒、厥陰本經藥、防己反黎治血積驚氣、除寒熱、補中、益肺氣、安五臟、止驚煩、常欲眠、養肝氣、療胃痺、心腹痛、結熱、浮風、身痒、卒得疝氣、下墮、絞痛、并一切惡瘡、疥癬、肺熱、宜用、能補五臟之陰也。

天門冬、氣平、大寒、味甘無毒、升也、陰也、入手太陰足少陰經、地黃貝母為使、畏曾青、凡用去皮、心忌治肺氣、欬逆、喘嗽、吐血、衄血、肺痿、生癰、吐膿、血瀉、肺火、消痰、補五勞七傷、益氣、鎮心、保肺、去熱、通腎氣、利小便、強骨髓、養肌膚、久服、輕身、延年、寒多者

禁服

麥門冬、氣平、微寒、味甘微苦、無毒、降也、陽中陰也、入手太陰經、地黃車前為使、惡款冬、畏苦參、去心、否

治虛勞客熱、口乾燥、渴、定肺氣、安五臟、羸瘦、短氣、身重、目黃、心下支滿、消穀、調中、諸血妄行、痿癈、通脈、保神、強陰、益精、退肺中隱伏之火、欬肺中不足之金、補心氣、止久嗽、肺痿、吐膿、令人肥健、有子。

甘草、氣平、味甘、生寒、炙溫、無毒、可升、可降、陰中陽也、入足厥陰、太陰、少陰經、白木大乾、添苦參為使、惡遠志、

去肉、皮、用、松、葉治五臟六腑寒熱邪氣、溫中下氣、煩滿、短氣、咽痛、咳嗽、止渴、通經、脈、利血氣、解百藥毒、調和諸藥、大瀉熱火、消瘡疽、堅筋骨、能緩寒熱二藥、灸補三焦

元氣使胃和中、養血補血、腹中急縮痛、中滿嘔吐者、禁用、下焦藥亦少用、○稍除胃中熱、去莖中痛、○節消腫導毒

熟地黄、氣微溫、味甘苦、無毒、沉而降、陰也、入手足少

陰厥、陰經、得門冬清酒拌蒸九母畏蕪荑水浸

人腎消亦忌食蘿蔔令人髮白熱則補腎生則涼

治男子五勞七傷、女子傷中、胞漏下血、及諸血妄

行、產後血虛、臍腹急痛、大補血衰、填骨髓、續筋傷

除寒熱、血痺、消積聚、滋腎水、益真陰、退勞熱、助氣

力、老人中虛燥熱、黑鬚髮、安心神、中滿痰盛者、禁

用、恐泥膈滯痰也、如用薑汁炒亦可

生地黃、氣大寒、味甘苦、無毒、沉而降、陰也、入手太陽

少陰經、酒行

治婦人崩中不止、及產後血上薄、心悶絕、傷身胎

動、下血胎不落、墮墜損傷、瘀血衄血、便紅咳血、虛

勞骨熱、潤燥瀉濕熱、及血熱牙腫痛、補腎水、真陰

不足、此藥大寒、胃虛有寒者、斟酌用之、恐損胃氣

白朮、氣溫、味苦甘辛、無毒、浮而升、陽也、入手太陽足

陽明、手少陰、足太陰經、防風去粗皮、榆為使、米泔浸一

治脾胃虛弱、不思飲食、消宿滯、去痰涎、除寒熱、止

下泄、水腫脹滿、霍亂嘔逆、腹內冷痛、除濕益燥、緩

脾生津、利小便、退胃熱、安胎止汗、消痞、補中、利腰

臍間、血上而皮毛中、而心胃下、而腰臍、在氣主氣

在血主血、如動氣疼甚者、禁用

蒼朮、氣溫、味辛烈、無毒、浮而升、陽也、入足陽明太陰

經、米泔浸皮、二日

治風寒濕痺、消痰水、暖胃消穀、嗜食、溫疫山嵐瘴
氣、大風在身、面風眩頭痛、除惡氣、消瘰癧、氣塊、心
腹脹痛、嘔吐、驅瘰癧發汗、健胃寬中、進食除濕、燥脾
鹽水炒、佐黃柏力健行下焦、腰足濕熱

黃芪、氣微溫、味甘、無毒、可升、可降、陰中陽也、入手少

陽經、手足太陰經、惡白龜甲出綿白薛皮、為柔、治瘡、生

用、補虛、至、是、必、用、外、藥、性、畏、防、風、能、制、黃、耆、得、防

相、畏、而、相、使、也、蓋

治虛勞自汗、表虛盜汗、補血益氣、脾胃虛弱、定虛
喘短氣、退虛熱、瀉陰火、實皮毛、補肺氣、癰疽、排膿
止痛、內托補虛、逐五臟間惡血、大風癩疾、五痔鼠
瘻、長肉、消煩渴、久瀉利、腸風血崩、帶下、月候不勻
產前後一切病、補腎三焦命門元氣、藥中補益呼

為羊肉、蒼黑人及氣盛者勿服

當歸、氣溫、味甘、辛、無毒、可升、可降、陽也、入手少陰足

太陰厥陰經、畏、燥、出、蜀、中、者、佳、頭、止、血、身、和、血、尾

破、參、全、皆、能、補、血、用

治咳逆上氣、溫瘰癧、虛勞寒熱、婦人漏下、絕子、諸惡
瘡瘍、金瘡、跌撲、又溫中止痢、血刺腹痛、潤燥、療齒
痛、眼痛、不可忍、酒蒸治頭風痛、大補血虛、不足、止
汗、明目、養心、定悸、及諸血症、產後惡血、上衝臍腹
急痛、癥瘕、胎動、下血、氣血昏亂、服之即定、能使口
血各有所歸

芍藥、氣微寒、味酸、而苦、有小毒、升而微降、陽中陰也

入手足太陰經、雷、丸、為、使、惡、亦、解、二、種、白、補、而、赤

也、瀉、酒、浸、而、經、散

治邪氣腹痛除血痺破堅積寒熱疝瘕止痛利小便
便益氣通順血脈抑肝緩中扶陽收陰補血散惡
血利大小腸通月水消癰腫發背痔瘻止瀉痢歛
虛汗收胃氣安脾經下痢腹痛者炒後重生用血
虛寒人禁用古人云葶芎藥以避中寒產後不可
使用以其酸寒伐生發之氣也

菖蒲氣溫味辛苦無毒秦芫為之使惡麻黃忌一節
九節者良

治風寒濕痺欬逆上氣開心孔補五臟通九竅明
耳目出音聲主耳聾耳鳴耳痛頭風眩氣癰瘡疥
瘙殺諸蟲止小便利四肢濕痺下氣除煩悶止心
腹痛胎動下血
遠志氣溫味苦無毒沉而降陽也得茯苓天雄附子龍骨

畏蟻蝻 煎蘆薈蟾蜍凡用黑豆甘草煮去心否則令

治咳逆傷中補不足除邪氣利九竅益志慧耳目
聰明不忘強志倍力利丈夫定心氣止驚悸益精
壯陽去心下膈氣除夢洩

五味子氣溫味酸無毒可升可降陰也入手太陰足
少陰經莖葉為頭使惡

治勞傷羸瘦補不足強陰益精養五臟除煩熱生
津止渴咳逆上氣喘嗽助脈補元在上滋肺在下
補腎氣耗者用此收之多食致虛熱收補之驟也
知母氣寒味苦辛無毒沉而降陰也入足陽明手太

陰足少本藥勿犯鐵
治虛勞骨蒸傳尸疰病傷寒久瘧煩熱止嗽
消痰滋腎水消渴熱中化班除邪氣體腫

下氣

足益氣安心止悸瀉腎中火虛口乾加用

貝母

平微寒味辛無毒厚朴石白烏頭之使用去秦

治傷寒煩熱咳嗽上氣痰涎痰痺乳癰金瘡風癩

消癭瘰癧痰核欬人面惡瘡腹中結實心下滿潤心

肺止淋瀝散心胃鬱結之氣殊有功

黃芩氣平寒味苦無毒可升可降陰也入手太陰經

山行治諸熱黃疸腸癖熱洩逐水下血閉惡瘡發背乳

癰疔瘡火瘍目赤腫解在肌風熱泄肺受火邪消

膈上痰熱去胃中濕熱小腹絞痛利小腸主天行

熱疾枯飄者瀉肺火化痰利氣除風濕留熱肌表細

實者入大腸除熱補膀胱不足滋化源下痢膿血

腹痛後重清熱安胎之聖藥也

黃連氣寒味苦無毒沉也陰也入手少陰經黃芩為佐

惡解花苞花玄參畏款冬勝烏

治熱氣目痛皆傷淚出明目腹痛下痢煩渴益膽

殺小兒疳蟲點赤眼昏痛鎮肝定驚悸煩躁潤心

肺長肉止血并瘡疥盜汗解熱毒瀉心火除心下

痞滿脾胃中濕熱厚腸胃止熱嘔安枕消積酒炒

上行薑汁炒辛散衝熱有功

胡黃連氣平味苦無毒沉也陰也惡菊

黑外黃折之塵山如烟者治久痢成疳傷寒欬嗽溫瘧骨蒸勞熱補肝膽明

目理腰腎去陰汗小兒諸疳驚癇寒熱不下食霍

亂乳下痢婦人胎蒸虛驚

大黃氣寒味苦沉而降陰也無毒入手足陽明經酒

浸引之、上至巔頂、入太陽經、酒洗入陽明經、餘經
并用、於下焦不用、酒浸洗、以桔梗載之、可浮育中

黃芩、其性為走、而無所畏、日錦紋、

治宿食留飲、積聚癥瘕、傷寒極熱、便結、心腹脹滿、
痰血、蕩滌腸胃、推陳致新、下血閉寒熱、瀉諸實熱、
利水道、除濕熱、安和五臟、一切瘡毒、癰腫、

連翹、氣平微寒、味苦無毒、浮而升陽也、入手足少陽
陽明、入手少陰經、根名連翹

治寒熱鼠瘻、癰瘰癧腫、惡瘡、癰瘤、結熱、壅毒、有神
功、瀉心火、降脾胃濕熱、通利五淋、及月經、除心經
客熱、能散諸血結、氣聚

草龍膽、氣大寒、味苦無毒、沉而降陰也、質聚為地黃、

治骨間寒熱、驚癇、邪氣、殺蠱毒、除胃中伏熱、時氣
溫熱、黃疸、下焦濕腫、熱洩、下痢、去腸中小虫、益肝
膽氣、止驚惕、酒浸則上行、療兩目赤腫、睛脹、翳膜、
疾肉高起、疼痛不可忍、佐柴胡、眼疾必用之藥、又

治小兒客忤疳氣

天花粉、氣寒、味苦無毒、沉也、陰也、莖、把為之、使惡、乾、

治消渴、身熱煩滿、大熱、補虛安中、除腸胃中痼熱、
諸疽、身黃、唇乾、口燥、短氣、通月水、止小便、排膿消
腫、毒及乳癰、發背、痔瘻、瘡癬、撲損、瘀血、

瓜蒌仁、氣寒、味甘無毒、凡用炒去殼去油、
治痰嗽、利育膈、甘能補肺、潤能降氣、育有痰者、以
肺受火逼、失降下之令、今得甘緩潤下之助、則痰

自降宜為止嗽之要藥又洗滌膏腸中垢賦鬱熱

治消渴之神藥消腫毒癰疽下乳汁痔瘻瘡癤

苦參氣寒味苦無毒沉而降陰也入足少陰經為玄參之

湯使惡多貝母范服或及蔡蘆酒入

治大風赤癩眉脫遍身風熱細疹痒痛及熱毒風

皮肌煩燥殺虫癰瘡疥逐濕脚氣痛黃疸遺瀝

利水除心腹結氣積聚補中明目時氣惡病大熱

腸辟

香附子氣微寒味甘無毒沉也陽中之陰搗陰乾勿石

治一切風霍亂心腹痛腎氣膀胱冷消食下氣開

鬱除胸中熱充皮毛又逐去凝血炒黑止崩漏下

血能引血藥至氣分而生血婦人之仙藥也

縮砂仁氣溫味辛苦無毒入手足太陰陽明經去炒

治虛勞冷氣宿食不消赤白洩痢溫脾下氣止嘔

吐霍亂脾胃氣結滯不散心腹中虛冷痛又能安

胎行氣故也

玄胡索氣溫味苦辛無毒可升可降陰中陽也入手

足太陰足厥陰經半生夏寒色園

治心氣痛小腹痛暴腰痛婦女月經不調腹中結

塊崩中淋瀝因損下血產後血暈暴血衝上破瘀

血破癥瘕通月水諸病因血所為者皆可服

秦芫氣微溫味苦辛無毒可升可降陰中微陽手陽

明經藥羅菖者為使

治寒濕風痺肢節痛無問新久通身攣急傳尸骨

蒸五種黃病酒黃疸下水利小便養血榮筋中
風手足不遂入手陽明下牙痛口瘡

葳靈仙氣溫味苦無毒可升可降陰中陽也延壽及

日月採丁酉戌巳

治大風皮膚風痒痛風在上中風不語手足不遂

口眼喎斜及諸風濕冷通十二經脉去大腸風宣

通五臟去腹內冷滯心膈痰水久積癥瘕痰癖氣

塊膀胱宿膿惡水腰膝冷痛脚疾不能履并拆傷

多服疏人真氣虛者禁用

木香氣微溫味苦辛無毒沉而降陰也出廣州船油

良者

治九種心痛積年冷氣痞癥塊脹痛霍亂吐瀉

心腹疼痛嘔逆翻胃上痢安胎健脾胃消食膀胱冷

止

痛女人血氣刺痛調諸氣散肺中滯氣行肝氣辟

邪毒火煨實大腸西木香止痢腹痛如神青木香

調氣尤妙

澤瀉氣寒味甘鹹無毒沉而降陰也入足大陽少陰

經畏海蛤

治淋閉泄瀉水腫煩渴小便不利風寒濕痺補虛

損除五臟痞滿起陰氣止泄精白濁逐膀胱三焦

停水伐腎邪去陰間汗除濕行水之聖藥多服損

目

車前子氣寒味甘鹹無毒

治氣癢閉痛小便淋瀝除濕痺利水道療肝中風

熱衝目赤痛障翳腦痛淚出養肺強陰益精令人

有子雖利小便而不走氣與茯苓同功又治婦人

難產為末酒服之其葉通五淋止鼻衄尿梗熱痢

玄參氣微寒味苦酸無毒足少陰經藥

治暴中風傷寒身熱支滿邪溫瘧頭風熱毒骨

蒸傳尸咽喉痛痺癰腫頭腹中寒熱積聚血瘀

堅癥補腎明目強陰益精子產乳餘疾此藥乃

樞機之劑管領諸氣上下清而不濁空中氤氳

之氣無根之火為聖藥也

薏苡仁氣微寒味甘無毒用此藥倍力於他藥凡

治筋急拘攣風濕痺除筋骨邪氣不仁利腸下氣

消水腫肺痿吐膿血咳嗽涕唾上氣肺癰心育甲

錯乾濕脚氣

牛膝氣平味苦酸無毒沉也陰也惡癩甲畏白前長

牛洗用忌

治寒濕痿痺四肢拘攣膝痛不可屈伸墮胎男子

陰消老人失溺婦人月水不通補腎填精逐惡血

留結助十二經脈壯陽強精能引諸藥下至於足

小便不利莖中痛竹木刺入肉嚼爛菴之即出

天麻氣平味苦甘無毒降也陽也使其苗名定風草凡

治頭風諸風濕痺四肢拘攣風痰眩暈頭痛利腰

膝強筋力通血脉關竅止麻小兒風癇驚氣

蒺藜子氣溫微寒味苦辛無毒烏頭為之使有二種

治身體風痒頭痛欬逆傷肺肺痿喉痺癰腫牢牙

固齒止遺瀝泄精溺血療風明目最良小兒頭瘡

脹痞滿寒熱遍身疼痛百邪鬼魅涕泣不止狂叫
驚悸肺臟壅熱肺癰肺痿乳癰喉痺發背及諸瘡
腫傷寒百合病殺蠱毒

茵陳蒿氣平微寒味苦辛陰中微陽無毒入足太陽
經

治風濕寒熱邪氣熱結黃疸通身發黃小便不利
鮮傷寒煩熱頭熱腦痛行滯氣化痰利膈

鬱金氣寒味辛苦無毒純陽色赤似姜黃中空生蜀
治血積下氣凉心止血破惡血血淋尿血女子宿

血結聚脹痛心氣疼温醋磨服之又治金瘡生肌
姜黃氣寒味辛苦無毒

治癥瘕血塊癰腫通月經消腫毒心腹結積疰忤
下氣脹治氣為最撲損瘀血產後敗血攻心

蓬莪茂氣温味苦辛無毒火炮醋炒用得酒醋良

治心腹痛中惡症竹鬼氣霍亂冷氣飲食不消婦
人血氣痛癥癖氣最良通月經消瘀血積聚婦人

藥中多用破氣中之血入氣藥能發諸香治諸氣
為最要藥也

京三稜氣平味苦辛無毒陰中之陽也黃也赤而小
用火炮

治癥瘕癖積結塊脹滿氣脹婦人血脈不調心腹
痛落胎消惡血通月經撲損瘀血產後復痛血暈

并宿血不下破血中之氣損真氣虛者勿用
白豆蔻氣熱味辛輕清而升陽也無毒入手太陰經

出番船治積冷氣止吐逆反胃消穀下氣胃冷心腹痛散

肺中滯氣、寬膈、進飲食、赤眼暴發、白睛紅翳、補上焦元氣

草豆蔻、氣熱、味辛、無毒、陽也、入足太陰、陽明、經、麩包、月、

治心腹胃脘痛、嘔吐霍亂、益脾胃、去寒邪、脹滿、調散冷氣、力甚速、消酒毒、去口臭氣

肉豆蔻、氣溫、味苦辛、無毒、入手陽明、經、麩包、煨、熟、用、

治積冷心腹脹痛、霍亂泄瀉、脾胃虛冷、氣併冷熱、赤白痢、小兒傷乳吐逆、久瀉、亦能溫中開胃、下氣消食、止泄之要藥也

小茴香、氣平、味辛、無毒、入手足少陰、太陽、經、得酒、炒、

治膀胱冷氣、腫痛、乾濕脚氣、或陰脾間痛、牽引入小腹、疼不可忍、腎勞癩疝、霍亂、破一切臭氣、開胃

下食、止嘔吐、調中定痛、助陽道、理小腸氣

旋覆花、氣溫、味酸甘、有小毒、花、菊、深、黃色、

治結氣痰飲、脇下滿、驚悸、頭風、明目、消育上痰、結唾、如膠漆、除水利大腸、去五臟間寒熱、傷寒汗下

後、心下痞堅、噎氣、虛者不宜多服、葉傳金瘡止血、肉蓯蓉、氣微溫、味甘酸、酒、浸、破、一、宿、去、白、膜、用、

治五勞七傷、補中、除莖中痛、強陰、益精、多子、婦人

癥瘕、男絕陽不興、及泄精、尿血、遺瀝、女絕陰、不產

及血崩帶下、陰痛、暖腰、強筋、髓、命門相火不足、以

此補之、丹溪云、峻補精血、驟用反致動大便

瑣陽、氣溫、味甘、酥、油、塗、灸、治虛補陰、益精、可代蓯蓉、虛而大便燥結、不燥結

者勿用

山藥氣溫平味甘無毒手太陰經藥之二使門冬紫芝為

鼠者

治泄精健忘傷重補虛羸益氣力長肌肉強筋骨
五勞七傷心氣不足脾胃虛弱久泄止腰痛強陰
補心肺除煩熱潤皮膚開達心孔

菟絲子氣平溫味辛甘無毒得酒良酒浸曝干未用乾

治男女虛寒腰痛添精補髓強陰堅筋骨續絕傷
補不足益氣力肥健莖中寒精自出弱有遺溺鬼
交泄精尿血口苦燥渴寒血為積

黃精氣平味甘無毒

治五勞七傷補中益氣安五臟益脾胃潤心肺除
風濕耐寒暑延年不饑

巴戟氣微溫味辛甘無毒覆盆子為之使

治大風邪氣陰痿不起強筋骨安五臟補中增志
益氣頭面遊風大風血癩小腸及陰中相引痛補

五勞利男子夜夢鬼交泄精病人虛損加而用之

破故紙氣大溫味苦辛無毒惡甘草忌羊肉酒浸曝

用乾治五勞七傷風虛冷痺四肢疼痛骨髓傷敗陽衰

腎冷精流腰痛膝冷囊濕小便利添精益氣及婦
人血氣

何首烏氣微溫味甘苦無毒菴苓為使忌猪羊血惡

治瘰癧癰腫頭面風瘡五痔骨軟腰膝疼遍身瘙

痒、止心痛、益血氣、黑髭鬚、悅顏色、久服長筋骨、益精髓、延年不老、令人有子、亦治婦人產後及帶下諸疾、為末酒調服。

葶藶氣大寒、味苦辛、無毒。搗碎皮為使、惡僵蚕、凡用炒。治肺壅上氣、咳嗽喘促、痰飲肺癰、面目浮腫、積聚結氣、破堅利水道、行皮間邪水、走泄為用、大降氣、久服令人虛、蓋取苦泄之義。

石斛氣平、味甘、無毒。石上凝水、石上陰、乾、細、若、小、草、長、三、形、似、寸、柔、韌、斷、之、為、肉、而、實。治虛勞羸瘦、強陰益精、壯筋骨、利脚膝、除熱益氣、補腎蠲痺、定志鎮驚、及治胃中虛熱、有珉。

蒲黃氣平、味甘、無毒。即蒲、生、用、補、血、止、黃、血、粉、則、破。治一切吐血、衄、腫、崩、腸、風、血、利、尿、血、撲、血、血、癥、墮、胎。

帶下、月候不勻、心腹痛、產後諸血病、利小便、止血、消痰、并遊風腫毒。

續斷氣微溫、味苦辛、無毒。地黃、為、之、使、惡、雷、丸、陰、乾、用、浸。治五勞七傷、助氣調血、興陽道、止泄精、縮小便、腰痛、關節緩急、傷折跌、續筋骨、全瘡癰毒、痔瘻、乳癰、瘰癧、婦人產前後一切病、崩中漏血、尿血、子宮冷。

艾葉氣微溫、味苦、陰中之陽、無毒。良、生、寒、熱、搗、汁、可、止。治崩血漏血、安胎、止腹痛、帶下、暖子宮、使人有子、灸百病、除一切惡氣、利陰氣、生肌肉、療五臟痔下、部、蜜、瘡、汁、殺、虵、蟲、醋、煎、搽、癬、良。

地榆氣微寒、味苦甘、陰也、無毒、得髮良、惡麥門冬。

治婦人血崩帶下、月水不止、產前後諸血疾、腸風血痢、便血、及小兒疳熱、瀉痢、金瘡、止痛、諸瘡、惡瘡、性沉寒、入下焦、若虛寒人、水瀉、冷痢者、勿用。

大小薊根、氣微温、味甘苦、無毒。

大薊治女子赤白淋、安胎止吐衄、下血、癰腫、惡瘡、生研酒并小便任服、小薊治吐衄、尿血、血淋、血崩、煩熱、金瘡、血不止、二薊主養精保血。

白薇、氣平、大寒、味苦、鹹、無毒。乾思黃、著大、黃大、乾、薑、

治暴中風、身熱、支滿、忽忽、不知人、狂惑、邪氣、寒熱、酸疼、温瘧、洗洗、發作、有時、療傷中淋、露下水、氣利、陰氣、益精。

白前、氣微温、一云微寒、味甘辛、無毒。但白粗而長、於細以、温藥相佐、使尤佳。

治胃腸逆氣、咳嗽上氣、衝喉中、呼吸欲絕、不得眠、常作水鷄聲、善能保定肺氣、治嗽、多用之。

藍實、氣寒、味苦甘、無毒、即大葉蘭、莖可染青。

治經絡中結氣、解諸毒、殺蠱蛟、疰鬼、螫毒、填骨髓、明耳目、調五臟六腑、利關節、益心力、○其葉汁殺

百藥毒、毒藥、毒箭、毒刺、金瘡、血悶、螫瘕、蟲蛇傷、蜘蛛、螫毒、丁腫、遊風、天行熱、狂心、悶吐、衄、赤眼、產

後、血暈、小兒壯熱、疳熱、丹毒、及療噎病、化虫、為水、青黛、氣寒、味鹹甘、無毒。出波斯國深窰上池沫。

治收五臟、驚火、解諸藥毒、熱毒、小兒諸熱、驚癇、發熱、疳熱、瀉利、消瘦、諸病、瀉肝、消食、積殺、惡蟲、物、化為水、摩傳、熱瘡、惡腫、金瘡、下血、蛇犬等毒、甚效、茅根、氣寒、味甘、無毒。

治勞傷虛羸補中益氣除瘀血血閉寒熱利小便
下五淋止消渴解腸胃熱婦人崩中○苗如針謂
之茅針可取益小兒生接傳金瘡止血并痛灸服
之主潰一針一孔二針二孔○花治吐血衄血全
瘡

花氣溫味辛甘苦陰中之陽無毒

治產後血暈口噤腹內惡血不盡絞痛胎死腹中
並酒煮服之又主蠱毒下血多用則破血少用則
入心養血和血與當歸同功○苗主搗傳遊腫○
子吞數粒主天行瘡子不出○臙脂治小兒停耳
滴耳中

附子氣溫大熱味辛甘大毒通行諸經引用之藥入
手少陽三焦命門性走而不守浮中沉無所不至

陽中之陽故行而不

黃惡蟻人參冬防黑為附子
春採為烏頭其用燬且可炮裂去皮入酒煮
其毒故也用附子皆頂大甘草兩已生薑其力
治風寒咳逆邪氣溫中金瘡破癥堅積聚血瘕寒

濕踈臂拘攣膝痛不能行步傷寒陰症陰毒煩躁

迷悶不省四肢厥逆心腹冷痛霍亂轉筋下痢赤

白脾胃虛寒腫脹久泄不止腎中寒甚白朮為佐

除寒濕之聖藥又墮胎為百藥之長

烏頭氣溫大熱味辛甘有大毒浮而升陽也遠志反為

生有腦形似烏頭故名凡用薑汁春時皮初

盡去為熟也今人以此裏黃之性

治中風惡風洗洗出汗寒濕麻痺效逆上氣破積

聚寒熱消膏中痰冷臍間痛肩呷痛不可俛仰又

墮胎風痺血痺半身不遂行經藥也。○其汁煎之
名射罔味苦殺禽獸一名烏啄主瘰癧結核瘰癧
毒腫及蛇咬

天雄氣大温味辛甘有大毒遠志炮為裂去使忌鼓汁

治大風寒濕痺歷節痛拘攣緩急關節重不能行

步頭面風去來疼痛破積聚邪氣金瘡強筋骨長

陰氣助陽道強志令人武勇力作不倦又墮胎并

一切風一切氣通九竅利皮膚調血脉消風痰補

下焦陽虛
白附子氣温味甘辛有小毒凡用炮

治中風失音諸風冷氣心痛血痺面上百病行藥

熱疥癬風瘡頭面痕陰囊下濕腿無力宜入面脂

高良薑氣熱味辛純陽無毒

治胃中冷逆霍亂腹痛反胃嘔食轉筋瀉痢下氣
健脾胃消宿食

草薢氣平味苦甘無毒意苡為之使畏寒根大黃米胡椒

治腰背痛強骨筋風寒濕周痺惡瘡不瘳熱氣傷

中恚怒陰痿失溺小便渾濁關節疾血老人五緩

木通氣平微寒味辛甘無毒陽也去皮用

治五淋利小便導小腸熱脾疸水腫通九竅血脉

關節下部濕腫痛除脾胃寒熱出音聲療耳聾鼻

塞散癰腫諸結不消去惡虫女人血閉催生墮胎

下乳○通脫木俗名通草輕白可愛亦能利陰竅

行小水主蠱毒腫閉五淋其花上粉主諸惡瘡痔

瘻取粉納瘡中
瞿麥氣寒味苦辛無毒陽中微陰也莖草壯惡燥為

治關格五淋諸癰結小便不通決癰腫非膿明目
去翳破胎墮子下閉血養腎氣逐膀胱邪逆出竹
木刺入肉

牛旁子氣平味辛苦無毒微炒搗

治喉痺風熱痰壅咽隔不利明目利腰膝療風毒
腫瘡疹牙齒疼痛頭面浮腫除皮膚風通十二經
吞一粒可出瘡疽頭

射干氣平微溫味苦有小毒水浸使一未消

治欬逆上氣欬唾言語氣臭喉痺咽不得消息散
結氣消腫毒去胃癰行太陰厥陰之積痰使結核
自消甚捷腹中邪逆飲食大熱胃滿腹脹通女人
月閉消瘀血及便毒足厥陰濕氣因勞而發取三
寸與生薑同煎食前服利三兩行効

常山氣寒味苦辛輔畏其玉札如雞骨柴鷄

治諸瘧吐痰涎去寒熱開胃中痰結不可多服令
人大吐年老久病人虛者切忌以其能傷真氣也
青蒿氣寒味苦無毒童便浸

治骨蒸勞熱鬼氣屍疰冷熱久痢止瀉開胃明目
黑毛髮心痛熱黃疥瘡痂痒惡瘡

蛇床子氣平味苦辛有小毒藥按牡丹皮菽取仁微炒

治婦人陰中腫痛男子陰痿濕癢除痺氣利關節
溫中下氣令婦人子臟熱男子陰強療腰膝疼四
肢頑痺陰汗濕癬惡瘡大風身痒煎湯浴之差久
服輕身好顏色令人有子
牽牛氣寒味辛烈屬火善走有毒淘取黑白者晒乾拌水

酒蒸

治脚滿鼓脹水腫風毒利大小便落胎以氣藥引之則入氣以血藥引之則入血大瀉元氣用者戒之非大實大滿便秘壯實者不可用

甘遂氣大寒味苦甘有毒軋蹄用之軋蹏蹏志及瀉

治腹滿面目浮腫能瀉十二種水氣疝瘕留飲宿食破癥堅積聚利水穀道水結育中下五水散膀胱留熱其氣直透所結處專於行水攻決凡用藥須斟酌

太戟氣大寒味苦甘有毒陰中微陽也反小豆為之畏莒菘

治蠱毒十二水腫滿急痛積聚癥結利大小腸下

痰血墮胎

芫花氣溫味辛苦有毒大明為之近使反甘草凡用微

治欬逆上氣喉鳴咽腫蠱毒積聚腫滿五水消育中痰欬虛者勿用

山豆根氣寒味甘無毒

治喉痺腫痛解諸藥毒消瘡腫殺小虫并寸白蟲五般急黃蠱氣

僂茅氣溫味辛有毒以糲及米泔去赤牛汁毒忌犯

治心腹冷氣不能食腰脚風冷攣痺不能行丈夫虛勞老人失溺益陽道久服通神強記助筋骨益肌膚長精神明目

蘭葉氣清香味辛平無毒

治消渴證非此不能除膽痺必用生津止渴益氣

潤肌肉、內經云消渴治之以蘭是也

澤蘭氣微温、味甘、無毒、長有微香、梗葉如菊、而失

治產前後百病、養血氣、調經脉、遍身浮腫、中風餘疾、婦人勞瘦、怯弱

石韋氣平、微寒、味苦、甘、無毒、山杏、石為上、使不得開、菖蒲、良、及

人、款、不可、療、入、藥、微、射、人、肺、今

治勞熱邪氣、五癘淋閉不通、利小便、水道止、煩下

氣、補五勞、安五臟、去惡風、益精氣、南中醫人炒末

冷酒服、療發背效

木賊氣寒、味甘、微苦、無毒、濕去、火節、上、以、水、潤

治目疾、退翳膜、益肝膽、明目、又消積塊、療腸風止

痢及婦人月水不斷、又用發汗至易

使君子氣温、味甘、無毒、用、始、此、因、物、後、因、各、之、小、兒

治小兒五疳、小便白濁、殺蟲療馬劇

蘆薈氣寒、味苦、無毒、水出、滿、脚、浪、而、成、黑、錫

治熱風煩悶、胃膈間熱氣、明目鎮心、小兒諸熱癩

癩驚風、療五疳、殺三蟲、及痔病瘡癢、解巴豆毒

紫草氣寒、味苦、無毒

治傷寒時疾、發瘡癰不出、卒小便淋瀝痛、除五瘡

通水道、腹腫脹滿、補中益氣

蘆根氣寒、味甘、無毒

治消渴客熱、止小便五噎膈氣煩悶、吐逆不下食

水、奠頓服之、良、解食魚鱗中毒

燈心草氣微寒、味苦、無毒

治心腹邪氣、小便不利、淋閉、清心除熱、燒灰取少

許吹喉中、治急喉痺甚捷、塗乳上與小兒吃、治夜

啼

海藻氣寒味苦鹹無毒反甘草一草伏時先煎用之烏豆

治癭瘤氣頸下核破散結氣癰腫癥瘕堅氣腹中

上下鳴下十二水腫辟百邪鬼魅氣疾急滿疝氣

下墜疼痛核腫

昆布氣寒味大鹹無毒凡海腫瘻皆療之癭瘤結氣又

治十二種水腫癭瘤聚結氣瘰癧治瘡之堅硬者

鹹能軟堅也

藜蘆氣寒味辛苦有毒黃連為使反蘆頭細辛芍藥五參

治上膈風痰暗風痲病中風不語喉痺不通取一

兩濃煎防風湯浴過焙乾微炒為末溫水下半錢

以吐為度及蠱毒惡瘡疥瘻殺諸蟲毒

白欬氣微寒味苦甘平無毒代赭為之使反烏頭

治癰腫疽瘡散結氣止痛除熱目中赤小兒驚癇

溫瘧女子陰中腫痛殺火毒及湯火瘡刀箭瘡

白芨氣微寒味苦辛平無毒紫石英為之使

治癰腫惡瘡敗疽傷陰死肌胃中邪氣賊風鬼擊

痲緩不收除白癬疥蟲

蒼耳氣溫味甘無毒忌食豬肉入藥炒

治諸風頭風寒痛風溫周痺四肢拘攣痛惡肉死

肌癩癧疥癬瘙痒久服益氣耳目聰明強志輕身

填髓暖腰脚

水萍氣寒味辛酸無毒水寸許皆紫色者佳

治暴熱身痒下水氣勝酒長鬚髮主消渴時行熱

病發汗甚有切

木部

桂枝氣熱味辛甘浮而升陽也入足太陽經

凡用皮去

治傷寒頭痛開腠理解表去皮膚風濕泄奔豚入上焦橫行手臂止痛風及表虛自汗以其溫榮衛而發其邪邪去則表密而汗止正辛甘發散之義

肉桂氣大熱味辛甘純陽有小毒入手少陰足少陰

經凡忌使生剉去粗皮

治一切風氣補五勞七傷入腎下焦寒冷下部腹痛溫中卒心痛利肺氣通九竅利關節煖腰膝癰

亂轉筋破瘀癖癥瘕消痰血通月閉墮胎風濕冷

痺骨節攣縮續筋骨生肌肉

茯苓氣平味甘而淡無毒浮而升陽也入手太陰足

霍

太陽少陽赤者入足太陽手少陽少陰經畏地榆

雄黃秦芫龜甲用醋及之白補赤瀉去餘氣而成中

治胃腸逆氣憂恚驚邪恐悸心下結痛寒熱煩滿

欬逆口乾止消渴利小便除濕益燥水腫淋結膈

中痰水肺痿痰壅調胃氣伐腎邪降肺火益氣力

保神守中利腰膈血久服安寃養神不饑延年如

小便多及汗多陰虛者不宜服

茯神氣平味甘純陽無毒去皮用

治風眩風虛辟不祥驚悸開心益智安寃魄養精

神補勞之心虛非此不能除又治心下急痛堅滿

人虛而小便不仁者加而用之

琥珀氣平味甘純陽無毒熱脂所化者紆真

治五淋利小便安五臟定魂魄殺精魅邪鬼蠱毒

明目摩翳止心痛破結癥消瘀血產後血暈止血

生肌合全瘡若血少而小便不利者勿用

松脂氣溫味甘無毒水通明或如乳酪者佳入藥可用

治補五臟除熱胃中伏熱咽乾消渴風痺死肌歷

節風惡風癩疾癰疽惡瘡殺蟲牙痛少許咬之虫

自死貼諸瘡生肌止痛久服延年不老

栝子仁氣平味甘辛無毒吐根及石及麴麴入藥微

治驚悸安五臟益氣血除風濕痺恍惚虛損歷節

腰中重痛腰腎中冷潤腎燥之藥去頭風興陽道

久服令人潤澤美色耳目聰明不肌延年

側栝葉氣微溫味甘澁無毒凡用鮮用偏葉者清

治吐血衄血血崩崩中赤白尿血濕痺益氣此補

陰之要藥性多燥久服之大益脾土以滋其肺灸

罌凍瘡

枸杞子氣微寒味苦無毒甘州者佳

治五內邪熱中消渴周痺補內傷大勞強陰益精

去皮膚骨節間風腎家風眼赤痛風痒瘴膜久服

堅筋骨明目血虛用之

地骨皮氣寒味苦無毒純陰入足少陰手少陽經骨

治有汗骨蒸肌熱消渴風濕痺堅筋骨補內傷涼

血強陰利大小腸

黃蘗氣寒味苦無毒沉而降陰也足少陰經藥足大

陽引經藥晒乾再緊厚鮮黃火者凡用生蜜水浸

用鹽酒炒剉上鹿皮者益水

治五臟腸胃中結熱黃疸腸痔止洩痢補腎水膀胱不足諸痿厥脚膝無力癱疾必用之藥堅腎瀉膀胱熱清小便降相火療骨蒸勞陰痿洗肝明目鼻衄吐血下安蛇心痛虛噦蛇出小腸虛痛除下焦濕腫女子漏下赤白陰傷蝕瘡男子莖上瘡莢汁洗屑末敷之蜜炒為末治口舌瘡又云配細辛治口瘡有神功久服通神

梔子氣寒味苦無毒浮而降陽中陰也入手太陰經

皮薄而圓七稜至九稜者良

治傷寒心煩懊憹煩不得眠心神顛倒濕熱發黃汗下後勞復去心經客熱上焦虛熱風熱煩躁五內邪氣胃中熱氣面赤酒皸鼻白癩赤癩瘡瘍目熱赤痛血痢挾毒熱下小便赤澀不利生津止

渴瀉肺火止嘔噦又能屈曲下行降火善開鬱治塊中之火用仁去心腎熱用皮去肌表熱

酸棗仁氣平味酸無毒得惡睡防已睡多生用不

治心腹寒熱邪結氣聚四肢酸疼濕痺筋骨風臍上下痛心虛煩振悸不得眠寧心志斂虛汗止煩渴補中益肝氣堅筋骨助陰氣久服安五臟輕身

楮實氣寒味甘無毒治陰痿水腫益氣補虛勞助腰膝充肌膚明目久服不老

山茱萸氣平微溫味酸澁無毒陰中之陽入足厥陰

足少陰經防已實去核使惡核能滑精

治心下邪氣寒熱溫中逐寒濕痺去三蟲補腎氣興陽道堅長陰莖添精髓秘精止小便利暖腰膝

療耳鳴止女人月水不定老人尿不節久服明目
強力

竹葉氣平寒味苦甘無毒陰中微陽篋竹淡竹為上苦竹次之餘不

治欬逆上氣益筋急惡瘍殺小蟲涼心經除煩熱
風瘵喉痺嘔吐根作湯益氣止渴補虛下氣消毒
淡竹葉氣寒味辛甘無毒

治胃中痰熱欬逆上氣吐血熱毒風壓丹石毒止
消渴利小水通淋閉

竹瀝氣味甘無毒用刀鑿入時薑汁其瀝不得

治卒中風失音不語風痺膏中熱狂煩悶壯熱頭
痛頭風并懷妊人頭旋倒地安胎治子煩除陰虛
人發大熱消虛痰痰盛人氣虛少食者宜用之又

痰在四肢及皮裏膜外膏膈間非此不能開止驚
悸小兒驚癇天石

竹茹氣微寒味苦無毒刮去青皮用

治嘔噦噎膈溫氣寒熱吐血衄崩中益筋虛煩不
眠

槐角氣寒味苦酸鹹無毒景天為之使十日

治五內邪氣熱止涎唾補絕傷五痔腸風便血火
瘡婦人乳癥子藏急痛又墮胎催生吞七粒治大
夫婦人陰瘡濕痒產門痒痛久服明目補腦益氣
頭不白

槐花氣寒味苦無毒純陽炒用

治五痔便血腸癖血痢腸風心痛眼赤殺腹臑蟲
涼大腸熱皮膚風熱

牡丹皮、氣寒、味辛、苦無毒、陰中陽也、入手厥陰足少陰經、畏兪絲子、去心木用。

治吐血衄血、腸胃積血、癥堅疾血、女子經脈不通、血滯腰痛、下胞衣、產後一切冷熱血氣、退虛勞無

汗、骨蒸熱、瀉陰中火、療神志不足、安五臟、中風瘕、癩瘡、驚癇邪氣、癰瘡、排膿止痛。

五加皮、氣溫微寒、味辛、苦無毒、遠志及為之使治心腹疝痛、益氣療癯、小兒不能行、疽瘡、陰蝕、男

子、陰痿、囊濕、小便遺瀝、女人陰痒、腰痛、脚痺、痛風弱、五緩、多年瘀血在皮肌、補中益精、堅筋骨、強

志意、釀酒飲、治風痺、四肢攣急、延年。
杜仲、氣溫、味辛、甘無毒、沉而降陽也。凡惡使去皮薑汁

治腰脊痛、補腎益精氣、堅筋骨、強志、除陰下濕、痒

小便遺瀝、脚中痠疼、不欲踐地、能使筋骨相着、

藿香、氣微溫、味甘、辛無毒、浮而升陽也、入手足太陰

經、洗去土治霍亂、心腹痛、嘔吐、發散寒邪、助脾開胃、溫中快

氣、風水腫毒、去惡氣、口臭、瘴氣、寒瘧、入烏藥、順氣

散、則理肺、入黃芩、四君子湯、則補脾。

厚朴、氣溫、味苦、辛、無毒、沉而降、陰中陽也。乾薑為之使治中風、傷寒、頭痛、寒熱、霍亂、嘔吐、酸水、心腹疼、脹

滿、洩利、消宿食、破宿血、溫中下氣、消痰、厚腸、胃走

冷氣、去三蟲、平胃氣、泄實、滿散、結之神藥、虛人腹

脹、宜斟酌用之、誤服脫人元氣。

枳殼氣微寒味苦酸辛無毒浮升而微降陰中陽也

陳而繳者良去氣難越胃少熱用大性

治胃膈痞塞氣刺痛散結逐水消脹滿安胃化痰

涎泄肺氣消宿食破癥結疰癰除寒熱結痢腸風

痔疾長肌肉利五臟走大腸瘦胎氣又治遍身風

疹風痛大風在皮膚中如麻豆苦痒通利關節主

皮毛胃膈之病損胃中至高之氣勿多用氣血弱

者不可服以其損真氣故也

枳實氣寒味苦酸無毒浮而降純陰陳用久者良越速炒

治心腹之主血在治傷寒結胃心下痞滿急痛胃膈痰癖逐停水破

結實消脹滿化宿食安胃氣逆氣脇痛上氣喘欬

積聚壅滿皆取其疎通大瀉破結實之義虛人久

病勿用

檳榔氣溫味辛苦無毒沉而降陰中陽也如雞心正

不虛中有治痰癖下氣消穀逐水破滯氣殺三蟲伏尸寸白

療心痛除後重如神墜

氣衝心泄胃中至高之

大腹皮氣微溫味辛無毒鴉似鳥以多棲此樹上宜先用酒

治冷熱攻心大腸壅毒痰膈醋心並以薑鹽同煎

入疎氣藥良下一切氣健脾胃開胃之喘消腫寬脹

丁香氣溫味辛無毒純陽入手太陰足陽明少陰經

治反胃心腹冷痛呃噦欬逆奔豚氣霍亂氣脹諸

腫陰痛溫脾胃消痰癖暖腰膝壯陽風毒除冷勞

殺酒毒療口氣齒疔蠱泄肺補胃

沉香氣溫味辛無毒沉而降陽也入水沉而中

治風水腫毒去惡氣補右尺命門壯元陽暖腰膝

散滯氣保和衛氣調中補五臟益精補腎止轉筋

吐瀉心腹痛氣痢冷氣麻痺骨節不任濕風皮膚

痒用為使上而至天下而至泉無所不至

檀香氣溫味鹹辛無毒陽中微陰入手太陰足少陰

通行陽明經藥

治心腹痛霍亂中惡鬼氣引胃氣上升進食殺蟲

又治腎氣諸痛消熱腫能調氣而清香引芳香之

物上行至極高之分最宜

蘇合香氣溫味甘無毒此香從西域是諸

治中風中氣痰厥口噤不省人事溫瘧蠱毒心腹

疼痛霍亂吐瀉癩瘡辟惡殺鬼精物去三蟲除邪

令人無夢魘

乳香氣溫味辛苦無毒純陽之微也散用

治心腹痛風水腫毒補腎療諸瘡調血氣定諸經

之痛去惡氣耳聾中風口噤婦人血氣撲跌損傷

催生煎膏止痛長肉

沒藥氣平味苦辛無毒生波斯國似

治金瘡杖瘡諸惡瘡痔漏打撲損折血滯腫痛不

可忍卒下血目中翳暈痛膚赤破血止痛婦人產

後血氣痛破癥結宿血消腫毒

阿魏氣平熱味辛無毒性極臭而能止臭亦奇物也

治心腹痛化宿食破癥塊消肉積下惡氣去臭氣

殺諸蟲辟瘟祛瘴傳尸邪鬼蠱毒小兒疳積

烏藥氣溫味辛無毒入足陽明少陰經

治中惡心腹痛蠱毒疰忤鬼氣宿食不消天行疫瘴膀胱腎間冷氣攻衝背脊婦人血氣小兒腹中諸虫止小便滑數治一切風除一切冷癰癩疥癩

猫犬百病並可摩服

益智子氣熱味大辛無毒入手足太陰足少陰經主君相二火去皮用

